

estas sekrecioj senkoloran sukron, bonefikan al digesto.

Panoramo. 1 Pentraĵo sur la tuta interna longo de ronda muro, kiu donas al rigardantoj lokitaj en centro iluzion de realaj objektoj ĉirkaŭantaj ilin. 2 Vasta horizonto rigardata de alta loko : *la ~o de la Alpoj*; *vasta ~o prezentiĝis al ili Z*.

* **Pantalono.** Vira vesto kovranta la korpon de zono ĝis piedoj, dupartigita tiele, ke ĝi ĉirkaŭas aparte ĉiun kruron. **~eto.** Simila vesto malsupreniranta nur ĝis genuoj.

Panteismo. Filozofia sistemo, kiu identigas Dion kun universo, instruante, ke ĉio en materia k morala mondo estas nur manifestiĝo de unika substanco.

Panteisto. Panteismano.

* **Pantero.** Danĝera rabobesto el g. de katoj, kun felo punktita de nigraj rondaj makuloj (*felis panthera*).

* **Pantoflo.** Hejma piedvesto, malpeza k oportuna, ne atinganta la maleolojn. Kp SANDALO, BARUŝO.

Pantomimo. Teatraĵo, en kiu la personoj esprimas sin nur per gestoj. **~isto.** Aktoro ludanta ~on.

* **Papo.** Episkopo de Romo, estro de la katolika eklezio : *esti en Romo k ne vidi la ~on Z* (preterlasi la plej interesan aferon).

* **Papago.** 1 Grimpobirdo el tropikaj landoj kun brilaj diverskoloraj plumoj k hoka beko, kapabla imiti la homan voĉon k ĉiuspecajn kriojn (*psittacus*). 2 (f) Homo, kiu senkomprene ripetas instruon : *~e ripeti gurditan lecionon*; *lernejo ne devas esti ~ejo*.

* **Papavo.** Veg. kun belaj floroj, el kiu oni ekstraktas opion k kies semoj liveras bonan manĝeblan oleon (*papaver*). **~eto.** Speco de sovaĝa ~o kun skarlataj floroj, tre ofta en grenkampoj (*papaver rhæas*).


* **Papero.** 1 Maldika folio fabrikata el pastigitaj ĉifonoj k diversaj vegetajaj fibrecigaj substancoj, uzata por skribi, presi, paki kc : *ĉambro tapetita per flavaj ~oj Z*; *konfidi ion al la ~o* (= skribi); *al la ~o ne mankas tolero Z* (oni povas laŭvole skribi stultaĵojn); *tiu decido restos nur (sur) ~a* (skribita sed ne efektivigita. Kp KABINETA, VORTA, TEORIA). 2 Skribitaĵ aŭ presitaĵ notoj, dokumentoj, legit-

imaĵoj ks : *ordigi siajn ~ojn*; *komercaj ~oj*; *valor ~o*; *ruĉo da mon ~etoj Z* **~ujo.** Portebla kvarangula ujo el ledo aŭ kartono por porti kun si ~ojn. **~ŝmiri Z.** Skribi multajn sed senvalorajn aferojn.

* **Papilio.** Insekto havanta 4 flugilojn kovritajn per diverskoloraj skvametoj tiel subtilaj kiel polvo : *senpripensa kiel ~o*; *~a* (neserioza k malkonstanta) *amo Z*; *~e* (senatente) *tralegi libron*. Vd RONDIRI.

papiliacoj = fabacoj.

Papiruso. 1 Speco de kano kreskanta en Egipto. 2 Folia ŝelo ŝirita de tiu kano k preparita por ricevi skribaĵojn.

papriko Z  Pulvorigita frukto de kapsiko (= ruĝa pipro).

* **Paro.** Aro de du objektoj aŭ estuloj prezentantaj ian similecon aŭ rilatecon k konsiderataj kiel unu tuto, nome : 1 Aro de du samspecaj objektoj destinitaj por kunigi : *~o da gantoj, ŝuoj*. 2 Aro de du samspecaj estuloj : *~o da bovoj, da amikoj*. 3 Aro de samspecaj virseksulo k inseksulo : *geedza ~o*; *por ~o amanta ĉiu loketo sufiĉas Z*; *bela ~o por altaro Z*. **~a.** 1 Konsistiganta ~on : *~aj turtoj*; *~aj kolonoj*; *ŝi estis mia ~ulino en la bato*. 2 Dividebla per 2 : *6 estas ~a nombro*. **~igi.** Kunigi en ~on.

Parabolo. 1 Ebena kurbo rezultanta el sekkado de konuso per ebena paralela al unu ĝia naskanto. 2 Kurbo, kiun sekvas pafaĵo dum sia iro. 3 Alegorio sub kiu kaŝiĝas moralinstruo.

* **Paradi** (ntr). 1 Laŭvice k ceremonie marŝi ĉe revuo : *la regimento ~is antaŭ la ministro*; *~a placo*. 2 (f) Fiere k afekte fanfaroni : *vi ~is per longa silka poŝtuko Z* (Kp PAVI, ŜVELI, DANDI). **~o.** 1 Solena armea revuo. 2 (f) Fanfarone vanta aŭ solene pompa elmontrado celanta altiri atenton de publiko : *en la palaco ĉio estis en festa ~o Z*; *senenhava vort ~o Z*; *li havas dentojn ne por ~o Z* (sed por mordi); *~e vivi Z*; *kaŝita enlerigo sen funebraj formoj k ~o Z*; *en plena ~a uniformo Z*; *servistoj en ~a livrejo Z*; *~a iro* (procesio); *~a ĉambro, seĝo, lilo, ŝtuparo, korto*; *~e vestita*.

Paradigmo. Gramatika modela tabelo por deklinacio, konjugacio kc.

* **Paradizo.** 1 Bela ĝardeno, en kiu, laŭ la Biblio, vivis Adam k Eva antaŭ la